



KOMUNIKADO PA PRENSA

Fecha

24 april 2013

Account Manager

Jhanirha Anita

Email

jhanirha.anita@gmail.com

Nr.

MINISTER BALBORDA TA INISIÁ PROYEKTO PA BIBIENDA NA ST. CATHARINA

Willemstad - Awe, 24 di april 2013, Minister di Tráfiko, Transporte i Planifikashon Urbano Sr. Earl Balborda, huntú ku partnernan priva a duna inisio na un proyekto di desaroyo di tereno pa bibienda na St. Catharina. E proyekto aki ta enserá ku lo desaroyá 14 parsela pa bibienda kual personanan ku ta riba lista di espera pa un kas di Domeinbeheer ta esnan promé den rei pa risibí.

E desaroyo lo bai tuma lugá na St. Catherina banda di un otro proyekto turístiko “Pearl of the Carribean” i den serkania di un countryclub nèt na entrada di Koral Tabak. E área ta konosi komo un área trankil i komo un dje habitante den e área ei, bo ta disfrutá di e bientu fresku ku ta pasa riba nos dushi Isla i alabes disfrutá di un parti di nos naturalesa.

E proyekto ta konsistí di desaroyo di 4 diferente modelo di kas pa nos komunidad i e grandura di e modelonan ta varia entre 70m² pa 120m². E preisnan di e bibiendanan aki ta kore entre fl. 150.000 i fl. 300.000.

Ta konosí ku na Kòrsou tin un demanda grandi pa traha kas i tereno di erfpagt pa traha kas. Minister Balborda den su afan pa konstruí kasnan pagabel pa pueblo, a sera laso ku Sektor Priva, den un sistema di PPP (Public Private Partnership). Esaki ta enserá ku gobièrnu, den persona di Minister Balborda, huntú ku un partner priva ta desaroyá tereno i konstruí kas. Gobièrnu ta partisipá ku tereno i partner priva ta partisipá ku e parti di infrastrukutura i ta traha e kasnan.

E partnernan pa e proyekto aki ta desaroyadó ABC Groep i Ministerio di Tráfiko, Transporte i Planifikashon Urbano. Konhuntamente e partnernan aki, bou di guia di Minister Balborda i un tim kordinadó, kual ta konsistí di ekspertonan di Servisio pa Planifikashon Urbano (ROP), Servisio pa Obra Públiko (OW) i Domeinbeheer, ta forma un laso di trabou firme i serio pa desaroyo positivo di e proyekto aki.

E proyekto di desaroyo di e barío di St. Catharina aki, ta duna un bista kla di e modelo ku Gobièrnu lo kier sigui desaroyá. Tambe proyektonan di e magnitud aki ta duna trabou na e diferente trahadónan di e partnernan envolví i ta stimulá desaroyo di nos ekonomia. Ku e esfuersonan aki Minister Balborda ta kontribuí na adelanto di nos Pais.

Pueblo di Kòrsou por sigui tur último desaroyonan di Minister Balborda di Tráfiko, Transporte i Planifikashon Urbano via di su facebookpage ‘Earl W. Balborda, Minister VVRP’.